



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), a nakon razmatranja Informacije Upravnog odbora JP „Komunalno Brčko“ d.o.o. Brčko distrikt BiH i Informacije o poslovanju JP „Komunalno Brčko“ d.o.o. Brčko distrikt BiH za period 2008. - 2016. godine, Skupština Brčko distrikta BiH, na I. nastavku 11. redovne sjednice održanom 10. maja 2017. godine, donosi

ZAKLJUČAK

1. Skupština Brčko distrikta BiH konstatuje da utvrđene negativne tendencije finansijskog poslovanja JP „Komunalno Brčko“ mogu ozbiljno ugroziti funkcionisanje preduzeća a time i pružanje usluga svim korisnicima na području Brčko distrikta BiH.
2. Skupština Brčko distrikta BiH zadužuje Komisiju za komunalnu, javnu djelatnost i zaštitu okoline i Komisiju za borbu protiv korupcije da u okviru svojih nadležnosti hitno predlože i dostave za naredno skupštinsko zasjedanje na razmatranje Skupštini mjere koje će dovesti do stabilizacije poslovanja i postizanja pozitivnog finansijskog stanja preduzeća.
3. Nakon razmatranja od strane Skupštine predloženih mjera iz tačke 2 ovog zaključka, Upravni odbor JP „Komunalno Brčko“ prilagodit će Poslovni plan za 2017. godinu shodno predloženim mjerama i dostaviti Skupštini u proceduru.
4. Zbog niza indicija koje ukazuju na nesavjesno rukovođenje i upravljanje JP „Komunalno Brčko“, Skupština Brčko distrikta BiH upućuje Tužilaštvu Brčko distrikta BiH i drugim nadležnim institucijama u Bosni i Hercegovini, Informaciju Upravnog odbora JP „Komunalno Brčko“ d.o.o. Brčko distrikt BiH i Informaciju o poslovanju JP „Komunalno Brčko“ d.o.o. Brčko distrikt BiH za period 2008. - 2016. godine, s ciljem utvrđivanja eventualne krivične odgovornosti Upravnog odbora i menadžmenta za period koji je naznačen u navedenim informacijama.
5. Ovaj zaključak stupa na snagu danom donošenja i bit će objavljen u Službenom glasniku Brčko distrikta BiH.

Broj: 01-02-132/17

Brčko, 10. 5. 2017. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Komisiji za borbu protiv korupcije
- 5) Komisiji za komunalnu, javnu djelatnost i zaštitu okoline
- 6) JP „Komunalno Brčko“
- 7) Stručnoj službi Skupštine
- 8) Tužilaštvu Brčko distrikta BiH
- 9) Nadležnim institucijama u BiH
- 10) Sektoru za koordinaciju politika i opće poslove
- Odsjeku za opće poslove
- 11) Arhivi